

# Pernyataan Privasi Ingram Micro

**Semakan Terakhir: 1 Oktober, 2020**

## **Tujuan dan Skop**

Pernyataan Privasi Micro Ingram ini (“Pernyataan Privasi”) menjelaskan bagaimana Ingram Micro Inc., sebuah perbadanan Delaware, dan syarikat yang dimiliki atau dikawal oleh kami (“Sekutu”) (secara kolektif, “Ingram Micro”, atau “kami”) mengumpul, mengguna, menyimpan, memproses, mendedah, dan memadam Data Peribadi (seperti yang ditakrifkan di dalam Pernyataan Privasi ini) yang anda berikan secara terus kepada kami atau kami terima daripada pihak ketiga yang dibenarkan termasuk, tanpa had, yang anda berikan kepada kami melalui laman web kami, di domain [ingrammicro.com](http://ingrammicro.com), atau mana-mana laman web daripada salah satu Sekutu kami yang menghantar atau memaut kepada Pernyataan Privasi ini (secara individu dan kolektif, “Laman Web”), diakses melalui mana-mana medium, termasuk melalui komputer, peranti mudah alih, atau peranti lain (secara kolektif, “Peranti”). Pernyataan Privasi ini juga menggariskan hak anda berkenaan dengan Data Peribadi anda.

Ingram Micro adalah pengedar dan penjual semula produk dan perkhidmatan IT, berpusat di Amerika Syarikat tetapi dengan Sekutu di seluruh dunia (senarai boleh diberikan atas permintaan) Ingram Micro memberikan perkhidmatan teknologi global dan rangkaian bekalan untuk menyokong pengagregatan awan, pengurusan pusat data, logistik, penyebaran teknologi, kitaran hayat peranti mobiliti, dan latihan.

Untuk maklumat lanjut mengenai Ingram Micro, sila lihat bahagian “Mengenai Kami” di laman Web kami.

Ingram Micro menyediakan anda dengan kemampuan untuk membeli atau mengakses pelbagai tawaran produk dan perkhidmatan yang disediakan oleh Ingram Micro dan pelbagai pembekal pihak ketiga (“Tawaran”) kedua-duanya secara langsung daripada Ingram Micro dan melalui penjual semula dan pengedar. **SETIAP TAWARAN ADALAH TERTAKLUK KEPADA DASAR PRIVASI KHUSUS-TAWARAN, YANG BOLEH MENGATASI ATAU MELENGKAPI TERMA PERNYATAAN PRIVASI INI. INGRAM MICRO MENGGALAKKAN ANDA MEMBACA DASAR PRIVASI BAGI MANA-MANA TAWARAN DENGAN TELITI SEBELUM MENGAKSES ATAU MENGGUNAKAN TAWARAN TERSEBUT.**

Walaupun kami menggalakkan anda membaca keseluruhan Pernyataan Privasi ini, ia adalah ringkasan bagi beberapa aspek Pernyataan Privasi yang lebih penting.

- Setiap Tawaran mungkin mempunyai dasar privasi sendiri yang khusus. Anda harus membaca dasar privasi bagi mana-mana Tawaran dengan teliti sebelum mengakses atau menggunakan Tawaran tersebut.
- Kami akan mengumpul Data Peribadi dan maklumat lain daripada anda melalui pelbagai sumber, termasuk Data Peribadi yang kami diperolehi daripada anda, sama ada dalam atau luar talian. Kami mungkin juga menggabungkan maklumat yang kami terima mengenai anda daripada sumber lain, seperti ahli Sekutu, maklumat daripada sumber awam (termasuk maklumat daripada profil media sosial anda), dan pihak ketiga yang lain.
- Kami tidak akan menggunakan atau berkongsi Data Peribadi anda kecuali seperti yang dinyatakan di dalam Pernyataan Privasi ini.
- Kegagalan untuk memberi kami Data Peribadi anda boleh mengganggu keupayaan kami untuk menjalankan perniagaan dengan anda, seperti pembelian Tawaran atau memproses transaksi anda.
- Mana-mana yang terpakai, kami menghormati arahan anda untuk memilih keluar daripada kegunaan tertentu Data Peribadi anda di bawah Pernyataan Privasi ini, seperti dalam contoh-contoh berikut, apabila anda memilih keluar daripada menerima komunikasi e-mel pemasaran kami atau meminta

*Dokumen in sah pada tarikh ia dicetak: September 23, 2020. Hakmilik Terpelihara 2020 Ingram Micro Inc. Semua maklumat adalah maklumat sulit dan proprietari Ingram Micro Inc.*



# Pernyataan Privasi Ingram Micro

kami memadamkan Data Peribadi anda. Walau bagaimanapun, dengan memilih untuk tidak menerima komunikasi e-mel pemasaran, anda tidak akan menerima maklumat tentang insentif dan promosi jualan.

- Kami menggunakan kawalan teknikal dan organisasi yang bersesuaian untuk menjamin dan melindungi Data Peribadi anda, tetapi kami tidak boleh memastikan atau menjamin bahawa Data Peribadi anda akan selamat sepenuhnya daripada penyelewengan oleh penggodam atau daripada aktiviti jahat atau jenayah yang lain.

## 1. Prinsip Umum untuk Pemprosesan Data Peribadi

Data Peribadi akan dikumpul, disimpan, diproses dan dihantar selaras dengan dasar yang telah ditetapkan oleh Ingram Micro dan undang-undang dan peraturan persekutuan, negeri, tempatan dan antarabangsa yang terpakai.

Prinsip Ingram Micro berkenaan dengan pemprosesan Data Peribadi adalah seperti berikut: (1) Data Peribadi akan diproses secara adil dan sah, (2) Data Peribadi akan dikumpul untuk tujuan khusus, eksplisit, dan sah di sisi undang-undang dan tidak diproses selanjutnya untuk tujuan yang tidak sesuai, (3) Data Peribadi yang dikumpul oleh Ingram Micro adalah memadai, relevan, dan tidak berlebihan berhubungan dengan tujuan ia dikumpulkan, (4) Data Peribadi yang dikumpul oleh Ingram Micro adalah tepat dan, apabila perlu, dikemas kini oleh kami sebaik mungkin, (5) Data Peribadi akan dilindungi daripada akses dan pemprosesan yang tidak dibenarkan menggunakan langkah dan kawalan keselamatan teknikal dan organisasi yang sesuai; dan (6) Data Peribadi yang dikumpul oleh Ingram Micro akan disimpan sebagai data boleh dikenal pasti tidak melebihi tempoh yang diperlukan bagi memenuhi tujuan Data Peribadi dikumpulkan.

Jika Ingram Micro terlibat dalam pemprosesan Data Peribadi untuk tujuan selain daripada yang dinyatakan di dalam Pernyataan Privasi ini, Ingram Micro akan memberi notis tentang perubahan tersebut, tujuan Data Peribadi tersebut digunakan, dan penerima Data Peribadi.

## 2. Pengumpulan Maklumat

Ingram Micro boleh mengumpul Data Peribadi tentang anda daripada pelbagai sumber, termasuk, secara langsung daripada anda, daripada pengguna lain, daripada penjual semula dan pengedar, daripada vendor kami, daripada penyedia perkhidmatan kami, daripada penyedia maklumat pihak ketiga, daripada Sekutu kami, dan melalui operasi Laman Web.

“Data Peribadi” yang dikumpul oleh Ingram Micro termasuk:

- “Data Pengenalan Diri” seperti nama pertama, nama akhir, nama pengguna atau pengecaman serupa, gelaran, nama syarikat, dan nombor pengenalan yang dikeluarkan kerajaan.
- “Data untuk Dihubungi” seperti alamat bil, alamat penghantaran, alamat e-mel dan nombor telefon.
- “Data Kewangan” seperti akaun bank, maklumat pembayaran kad dan sejarah kredit.
- “Data Transaksi” seperti maklumat mengenai pembayaran kepada dan daripada anda dan lain-lain butiran produk dan perkhidmatan yang anda beli daripada kami.
- “Data Teknikal” seperti alamat protokol internet (IP), data log masuk anda, jenis dan versi pelayar, tetapan zon masa dan lokasi, jenis dan versi plug masuk pelayar, sistem operasi dan platform dan teknologi lain pada peranti yang anda gunakan untuk mengakses laman web kami.

# Pernyataan Privasi Ingram Micro

- “Data Profil” seperti kata pengguna dan kata laluan anda untuk mengakses laman Web, nombor akaun, pembelian atau pesanan yang dibuat oleh anda, kepentingan anda, keutamaan, maklumbalas dan tindak balas tinjauan.
- “Data Penggunaan” seperti maklumat mengenai bagaimana anda menggunakan laman Web kami, produk dan perkhidmatan.
- “Data Pilihan” seperti pilihan anda dalam menerima pemasaran dari kami dan pihak ketiga kami, dan pilihan komunikasi anda.
- “Data Pemohon” seperti sejarah pekerjaan anda, sejarah pendidikan, dan sijil profesional yang anda hantarkan kepada kami ketika permohonan pekerjaan seperti yang diterangkan di dalam Pernyataan Privasi Pengrekrutan dan Pengambilan Ingram Micro.

Ingram Micro tidak mengumpul apa-apa Kategori Khas Data Peribadi tentang anda melainkan atas keperluan undang-undang (ini termasuk butiran tentang bangsa atau etnik, kepercayaan agama atau falsafah, kehidupan seks, orientasi seksual anda).

Ingram Micro mengumpul Data Peribadi anda seperti berikut:

Maklumat yang Anda Bekalkan Secara Sukarela. Kami boleh mengumpul Data Peribadi secara terus daripada anda apabila anda memberikan ia kepada kami secara sukarela. Sebagai contoh, apabila anda berkomunikasi dengan kami melalui telefon atau Laman Web secara e-mel, sembang dalam talian, borang web, atau pendaftaran akaun dalam talian bagi mendapatkan akses kepada Tawaran, mendaftar untuk acara atau latihan, mendaftar diri untuk pemasaran, promosi, atau e-mel atau komunikasi maklumat, membeli Tawaran, bertanya soalan, cuba menyelesaikan apa-apa isu berkaitan dengan Laman Web atau Tawaran, menghantar permohonan pekerjaan, atau menghantar maklum balas dan komen.

Data Peribadi yang diminta daripada anda, dan alasan anda diminta memberikannya, akan dijelaskan pada waktu kami meminta anda memberikan Data Peribadi anda.

Maklumat yang Kami Kumpul Secara Automatik. Apabila anda melawat laman Web kami, kami boleh mengumpul maklumat tertentu secara automatik dari Peranti anda. Di sesetengah negara, termasuk negara di Kawasan Ekonomi Eropah, maklumat ini dianggap Data Peribadi di bawah undang-undang perlindungan data yang terpakai.

Secara khusus, maklumat yang kami kumpul secara automatik adalah termasuk maklumat seperti alamat IP anda, jenis peranti, nombor unik identifikasi peranti, jenis pelayar, Alamat Kawalan Akses Media (MAC), lokasi geografi yang luas (sebagai contoh lokasi negara atau bandar) dan maklumat teknikal lain. Kami juga boleh mengumpul maklumat tentang bagaimana peranti anda berinteraksi dengan laman Web kami, termasuk halaman yang diakses dan pautan yang diklik.

Mengumpul maklumat ini membolehkan kami mengenali pengunjung yang datang ke laman Web kami, dari mana mereka datang, dan kandungan di laman Web kami yang menarik minat mereka. Kami menggunakan maklumat ini untuk tujuan analisis dalaman kami dan untuk memperbaiki mutu perkhidmatan dan relevansi laman Web kami kepada pengunjung kami.

Sebahagian daripada maklumat ini boleh dikumpul menggunakan kuki dan teknologi penjejakan yang serupa, seperti yang dijelaskan di bawah tajuk “Kuki dan Penggunaan Maklumat laman Web lain” di bawah.

# Pernyataan Privasi Ingram Micro

Daripada Pengguna Lain. Kami boleh menerima Data Peribadi anda daripada pengguna lain di laman Web apabila mereka memberikan maklumat kepada kami. Sebagai contoh, kami boleh menerima maklumat apabila mereka berkomunikasi dengan anda atau dengan kami melalui laman Web.

Daripada Penjual Semula dan Pengegar. Kami boleh memperoleh Data Peribadi mengenai anda daripada penjual semula dan pengegar yang membeli Tawaran tersedia daripada kami dan memberikan Tawaran tersebut kepada anda.

Daripada Vendor Kami. Kami boleh mendapatkan Data Peribadi tentang anda daripada vendor pihak ketiga yang membuat Tawaran yang disediakan melalui kami.

Daripada Pelanggan. Kami boleh mendapatkan Data Peribadi tentang anda daripada pelanggan pihak ketiga yang membuat kontrak perkhidmatan dengan kami. Sebagai contoh, kami mungkin menyediakan perkhidmatan pemenuhan bagi pihak syarikat lain di mana kami akan memilih, mengemas, dan menghantar produk fizikal kepada anda. Dalam senario ini, kami akan menerima nama, alamat surat-menyurat, dan maklumat pesanan anda, dan hanya akan memproses Data Peribadi anda untuk memudahkan perkhidmatan bagi pihak pelanggan.

Daripada Pembekal Pihak Ketiga. Ingram Micro juga boleh memperoleh Data Peribadi anda daripada pihak ketiga yang telah memperoleh dan mengumpul maklumat tentang anda dan mempunyai hak untuk membekalkan Data Peribadi tersebut kepada kami. Ingram Micro hanya akan memperoleh Data Peribadi ini setelah kami memeriksa bahawa pihak ketiga ini mempunyai kebenaran anda atau dibenarkan melalui undang-undang atau perlu untuk mendedahkan Data Peribadi anda kepada kami. Sebagai contoh, jika anda mendaftar untuk Laman Web menggunakan perkhidmatan pihak ketiga atau melalui Laman web atau perkhidmatan pihak ketiga, maklumat yang anda bekalkan kepada pihak ketiga tersebut akan diberikan kepada kami untuk menubuhkan akaun anda di Laman Web. Kami juga boleh memasuki kontrak dengan pihak ketiga yang menjalankan perniagaan membekalkan maklumat kepada perniagaan seperti kami untuk mengesahkan maklumat tertentu mengenai anda atau memperoleh maklumat. Kami boleh menggunakan Data Peribadi mengenai anda yang kami terima daripada pihak ketiga di luar laman Web berdasarkan terma yang diwujudkan antara kami dengan pihak ketiga. Kami juga boleh memperoleh Data Peribadi di pameran perdagangan atau acara yang telah anda hadiri dan menurut persetujuan anda untuk pengumpulan Data Peribadi anda. Kami juga boleh memperoleh Data Peribadi daripada sumber awam yang ada seperti pangkalan data kerajaan atau data lain di domain awam.

### **3. Kuki dan Maklumat Penggunaan Laman Web Lain**

Laman Web ini boleh juga memantau dan mengumpul maklumat mengenai bagaimana anda mengakses, menggunakan, dan berinteraksi dengan laman Web secara automatik melalui “kuki,” “kuki kilat,” “suar web,” dan teknologi penjejakan automatik lain.

“Kuki” adalah satu fail teks kecil yang disimpan di Peranti pengguna. Kuki membenarkan kami mengumpul maklumat seperti jenis pelayar, masa yang digunakan di laman Web, halaman yang dilawati, dan pilihan bahasa. Kami dan pembekal perkhidmatan kami menggunakan maklumat untuk tujuan keselamatan, bagi memudahkan navigasi, memaparkan maklumat dengan lebih berkesan, dan untuk memperibadikan pengalaman anda semasa menggunakan Laman Web.

Secara umumnya, kuki yang digunakan di Laman Web boleh dipecahkan kepada kategori berikut:

# Pernyataan Privasi Ingram Micro

- Kuki yang betul-betul diperlukan. Terdapat kuki yang diperlukan untuk operasi Laman Web kami. Mereka termasuk, sebagai contoh, kuki yang membolehkan anda log masuk ke kawasan selamat Laman Web ini atau menggunakan keranjang belanja.
- Kuki Analisis/prestasi. Kuki ini digunakan untuk menganalisis bagaimana Laman Web digunakan dan untuk memantau prestasinya, yang membolehkan kami memperbaiki pengalaman anda ketika menggunakan Laman Web. Kuki ini membantu kami menyesuaikan kandungan Laman Web untuk mencerminkan apa yang pengguna lain dapati sangat menarik dan untuk mengenal pasti apabila isu teknikal mengenai Laman Web timbul. Kami juga boleh menggunakan data ini untuk mengumpul laporan bagi membantu kami menganalisis bagaimana Laman Web digunakan, isu paling umum dan bagaimana kami boleh memperbaiki Laman Web.
- Kuki fungsian/penjejakan. Kuki ini membolehkan kami mengenal pasti pengunjung berulang ke Laman Web kami. Dengan memadankan pengecam secara rawak, tanpa nama, kuki penjejak mengesan dari mana datangnya pengguna Laman Web kami, enjin carian yang mereka gunakan, pautan yang mereka klik, kata kunci yang mereka gunakan dan di mana mereka berada apabila mereka mengakses Laman Web. Dengan memantau data ini, kami dapat membuat pembaikan terhadap Laman Web kami.
- Kuki yang disasarkan. Kuki ini merekod jumlah kunjungan anda ke Laman Web kami, halaman yang anda lawati dan pautan yang anda ikuti. Kami akan menggunakan maklumat ini untuk membuat Laman Web kami dan iklan yang dipaparkan lebih relevan mengikut minat anda. Kami juga boleh berkongsi maklumat ini dengan pihak ketiga untuk tujuan ini.
- Kuki sesi. Kuki ini digunakan “dalam sesi” setiap kali anda melawat dan akan luput apabila anda meninggalkan Laman Web atau sejeurus selepas itu; ia tidak kekal disimpan di dalam Peranti anda, tidak mengandungi apa-apa Data Peribadi dan membantu meminimumkan keperluan untuk memindahkan Data Peribadi di internet. Kuki ini boleh dipadamkan, atau anda boleh menolak untuk membenarkan penggunaannya, tetapi ini akan menjejaskan prestasi dan pengalaman anda dalam menggunakan Laman Web. Kuki ini juga akan mengambil cap waktu yang merekodkan masa anda mengakses Laman Web dan masa anda meninggalkan Laman Web.
- Kuki Berterusan. Jenis kuki ini disimpan di dalam Peranti anda untuk satu tempoh tetap (kadangkala selama beberapa jam, kadangkala setahun atau lebih lama) dan tidak dipadam apabila pelayar tutup. Kuki Berterusan digunakan apabila kami perlu mengingat siapa anda untuk sesi layaran melebihi satu kali. Sebagai contoh, jenis kuki ini akan digunakan untuk menyimpan pilihan bahasa anda, supaya ia boleh diingati untuk lawatan seterusnya ke Laman Web.

Anda boleh memilih untuk menerima atau menolak kuki. Kebanyakan pelayar web menerima kuki secara automatik, tetapi anda boleh mengubah suai tetapan pelayar anda untuk menolak kuki sekiranya anda ingin berbuat demikian. Jika anda pilih untuk tidak menerima kuki, kebanyakan pelayar membenarkan anda untuk: (i) menukar tetapan pelayar anda untuk memberitahu anda apabila anda menerima kuki, dan membenarkan anda memilih sama ada menerima atau tidak menerimanya; (ii) melumpuhkan kuki yang ada; atau (iii) menetapkan pelayar anda untuk menolak kuki secara automatik. Walau bagaimanapun, sila maklum bahawa jika anda melumpuhkan atau menolak kuki, beberapa ciri dan perkhidmatan di Laman Web kami tidak boleh berfungsi dengan baik kerana kami tidak dapat mengenali dan mengaitkan anda dengan akaun anda. Di samping itu, Tawaran yang kami berikan apabila anda melawat kami mungkin tidak relevan dengan anda atau bersesuaian dengan minat anda.

*Dokumen in sah pada tarikh ia dicetak: September 23, 2020. Hakmilik Terpelihara 2020 Ingram Micro Inc. Semua maklumat adalah maklumat sulit dan proprietari Ingram Micro Inc.*

# Pernyataan Privasi Ingram Micro

“Kuki kilat” adalah fail yang serupa dengan kuki, melainkan ia boleh menyimpan data yang lebih kompleks. Penggunaan teknologi Adobe Flash kami (termasuk Objek Tersimpan Tempatan Flash (“Flash LSO”)) membenarkan kami untuk, antara lainnya, menyediakan maklumat yang lebih khusus untuk anda, memudahkan akses berterusan anda dan penggunaan Laman Web, dan mengumpul dan menyimpan maklumat mengenai penggunaan Laman Web oleh anda. Sekiranya anda tidak mahu Flash LSO disimpan di dalam komputer anda, anda boleh menyesuaikan tetapan pemain Flash anda untuk menyekat storan Flash LSO menggunakan alatan yang terkandung di dalam Panel Tetapan Storan Laman Web Adobe Flash pada Internet. Anda juga boleh mengawal Flash LSO dengan pergi ke Panel Tetapan Storan Global Adobe Flash pada Internet dan mengikuti arahan (termasuk arahan yang menjelaskan, sebagai contoh, bagaimana hendak memadam Flash LSO yang sedia ada (dirujuk sebagai “maklumat” di Laman Adobe), bagaimana untuk mencegah Flash LSO daripada diletakkan di komputer anda tanpa izin, dan (untuk Pemain Flash 8 dan yang selepas itu) bagaimana untuk mencegah Flash LSO yang tidak dihantar oleh pengendali halaman yang anda lawati ketika itu). Sila maklum bahawa menetapkan Pemain Flash untuk menghadkan atau membataskan penerimaan Flash LSO mungkin akan mengurangkan atau menghalang fungsi sesetengah aplikasi Flash, termasuk, aplikasi Flash yang berpotensi digunakan berkaitan dengan Laman Web ini atau kandungan dalam talian kami.

“Suar web” (juga dikenali sebagai piksel jelas atau piksel teg) termasuk imej elektronik yang tertanam dalam antara muka Laman Web yang membenarkan kami mengenali apabila anda melawat ruang Laman Web itu. Cara ini juga boleh digunakan berkaitan dengan sesetengah halaman Laman Web dan mesej e-mel berformat HTML, antara lainnya, untuk menjejaki tindakan pengguna Laman Web dan penerima e-mel, mengukur kejayaan kempen pemasaran kami, dan mengumpul statistik mengenai kadar penggunaan Laman Web dan maklum balas.

Sila ambil perhatian bahawa penggunaan kuki atau teknologi penjejakan yang lain oleh penyedia perkhidmatan pihak ketiga Ingram Micro tidak dilindungi dibawah Pernyataan Privasi ini. Ingram Micro tidak mempunyai akses atau kawalan terhadap kuki pihak ketiga. Pembekal perkhidmatan Ingram Micro boleh menggunakan kuki berterusan untuk pengiklanan dan tujuan sasaran semula. Kami boleh mengikat maklumat yang dikumpulkan dari kuki pihak ketiga ke Data Peribadi pengguna Ingram Micro, dan kami akan menggunakan maklumat gabungan itu selaras dengan Pernyataan Privasi ini.

## 4. Penggunaan Maklumat

Ingram Micro menggunakan Data Peribadi yang kami kumpul untuk mengendalikan perniagaan kami dan menyediakan Tawaran kepada anda, termasuk menggunakan data ini untuk memperbaiki Tawaran kami dan memperibadikan pengalaman anda. Kami juga boleh menggunakan data ini untuk berkomunikasi dengan anda, sebagai contoh, memaklumkan anda tentang maklumat akaun anda dan maklumat produk.

Ingram Micro boleh menggunakan Data Peribadi anda untuk pelbagai tujuan (“Tujuan”), termasuk untuk:

- Mendaftarkan anda sebagai pelanggan baharu.
- Menyediakan, mengekalkan dan memperbaiki Laman Web dan Tawaran kami, termasuk untuk mengendalikan ciri-ciri dan fungsi tertentu Laman Web.
- Memahami pilihan pengguna untuk mempertingkatkan pengalaman pengguna dengan Ingram Micro dan Sekutunya, kontraktor, dan rakan niaga;
- Menyelidik dan menganalisis keberkesanan Laman Web dan usaha pemasaran, pengiklanan dan penjualan oleh Ingram Micro, Sekutunya, kontraktor, dan rakan niaga;



# Pernyataan Privasi Ingram Micro

- Mengumpul akaun belum terima yang terhutang oleh pelanggan Ingram Micro;
- Memproses pesanan dan penghantaran dan pembayaran yang dilakukan melalui Laman Web.
- Membangunkan Tawaran tambahan;
- Memproses permohonan pekerjaan;
- Mematuhi obligasi perundangan atau memberikan respons terhadap permintaan yang sah oleh pihak berkuasa (termasuk keperluan keselamatan nasional atau penguatkuasaan undang-undang);
- Mengurus keperluan harian perniagaan kami;
- Menguatkuasakan pematuhan dengan Terma Penggunaan dan undang-undang terpakai;
- Mendakwa dan/atau membela prosiding mahkamah, timbang tara atau perundangan yang sama;
- Berkomunikasi secara langsung dengan anda dengan menghantar surat berita, tinjauan, promosi dan tawaran istimewa atau maklumat tentang produk dan perkhidmatan baharu secara berterusan mengikut pilihan pemasaran anda. Anda boleh berhenti melanggan komunikasi pemasaran kami pada bila-bila masa dengan mengklik pada “Nyahlanggan” di bawah e-mel atau dengan menghubungi kami menggunakan “Pertanyaan dan Maklumat Hubungan” di bawah.
- Berkomunikasi terus dengan anda melalui telefon untuk menjawab pertanyaan atau komen perkhidmatan pelanggan melalui Laman Web, media sosial atau selainnya, untuk membincangkan isu berkaitan dengan akaun anda atau Laman Web, dan untuk memberikan sokongan pelanggan.
- Menghantar pengiklanan kepada anda, termasuk membantu pengiklan dan penerbit melayani dan mengurus iklan di Laman Web atau di Laman pihak ketiga, dan untuk menyesuaikan iklan berdasarkan kepentingan dan sejarah layaran anda. Sila lihat bahagian mengenai Kuki dan Maklumat Penggunaan Laman Web lain untuk maklumat tambahan berkaitan dengan pengiklanan dan kawalan anda;
- Memantau dan merekod panggilan, e-mel dan teks mesej anda, mesej media sosial dan komunikasi lain berkaitan dengan urusan anda dengan kami.
- Mematuhi obligasi undang-undang atau kontraktual kami untuk berkongsi data dengan agensi rujukan kredit, agensi pencegahan penipuan dan agensi penguatkuasaan undang-undang.
- Mengumpul statistik teragregat mengenai operasi dan penggunaan Laman Web kami dan untuk pemahaman lebih baik tentang pilihan pelawat Laman Web kami; dan
- Tujuan Lain; Untuk menjalankan tujuan perniagaan lain yang sah, termasuk tujuan sah lain yang akan kami maklumkan kepada anda.

Kami mungkin menggabungkan dan meningkatkan Data Peribadi yang kami kumpul mengenai anda bersama maklumat lain yang kami terima daripada pihak ketiga.

Kami juga boleh menggunakan Data Peribadi yang kami kumpul mengenai anda melalui Laman Web untuk menjana data yang teragregat, tanpa nama. Apabila kami berbuat demikian, kami memastikan data teragregat, tanpa nama tidak lagi dikenal pasti secara peribadi dan tidak boleh digunakan untuk mengenal pasti anda kemudian hari. Ini termasuk, sebagai contoh, menyimpan data teragregat, tanpa nama berasingan daripada mana-mana Data Peribadi.

Perubahan Tujuan. Kami hanya akan menggunakan Data Peribadi anda untuk tujuan ia dikumpulkan, kecuali kami mempertimbangkan secara munasabah bahawa kami perlu menggunakannya untuk tujuan lain dan tujuan tersebut bersesuaian dengan tujuan asal. Sekiranya anda mahukan penjelasan tentang bagaimana pemrosesan untuk tujuan baharu adalah bersesuaian dengan tujuan asal, sila hubungi kami.

# Pernyataan Privasi Ingram Micro

Sekiranya kami mahu menggunakan Data Peribadi anda untuk tujuan yang tidak berkaitan, kami akan memaklumkan anda dan kami akan menjelaskan dengan asas undang-undang yang membenarkan kami untuk melakukannya.

Sila ambil maklum bahawa kami boleh memproses Data Peribadi anda tanpa pengetahuan atau kebenaran anda, dengan mematuhi peraturan di atas, di mana ini diperlukan dan dibenarkan oleh undang-undang.

Semakan Rujukan Kredit dan Pencegahan Penipuan. dan Pihak yang Ditolak. Data Peribadi yang kami kumpul daripada anda semasa menetapkan akaun mungkin dikongsikan dengan agensi rujukan kredit, pencegahan penipuan, dan pihak yang ditolak yang menggunakan data itu untuk mencegah penipuan dan pengubahan wang haram dan untuk mengesahkan identiti anda.

Kami boleh mengakses dan menggunakan maklumat dari agensi rujukan kredit dan agensi pihak yang ditolak semasa anda membuka akaun anda dan secara berkala untuk:

- mengurus dan mengambil keputusan tentang akaun anda, termasuk menilai kebolehpercayaan kredit anda;
- mencegah aktiviti jenayah, penipuan dan pengubahan wang haram;
- menyemak identiti anda dan mengesahkan ketepatan maklumat yang anda berikan kepada kami; dan
- mengesan penghutang dan mendapatkan balik hutang.

Keputusan permohonan boleh dibuat semata-mata berdasarkan pemeriksaan maklumat automatik dari agensi rujukan kredit dan rekod dalaman.

Kami akan terus berkongsi maklumat dengan agensi rujukan kredit tentang bagaimana anda menguruskan akaun anda termasuk mana-mana kegagalan dalam membuat pembayaran, sementara anda mempunyai perhubungan dengan kami. Maklumat ini boleh diberikan kepada organisasi lain bagi membolehkan organisasi tersebut membuat keputusan mengenai anda.

Sekiranya maklumat palsu atau tidak tepat diberikan dan/atau penipuan dikenal pasti atau disyaki, butiran akan diserahkan kepada agensi pencegahan penipuan, agensi penguatkuasaan undang-undang dan organisasi lain boleh mengakses dan menggunakan maklumat ini.

Sekiranya kami, atau agensi pencegahan penipuan, menetapkan bahawa anda menimbulkan risiko penipuan atau pengubahan wang haram, kami boleh menolak untuk memberikan perkhidmatan kepada anda.

Rekod mengenai mana-mana penipuan atau risiko pengubahan wang haram, akan disimpan oleh agensi pencegahan penipuan dan boleh mengakibatkan orang lain enggan memberikan perkhidmatan atau pembiayaan kepada anda. Agensi pencegahan penipuan boleh menyimpan maklumat anda pada tempoh yang berlainan.

Apabila agensi rujukan kredit, pencegahan penipuan, dan pihak yang ditolak memproses maklumat anda, mereka melakukannya atas dasar mereka mempunyai kepentingan yang sah untuk mencegah penipuan dan pengubahan wang haram, dan untuk mengesahkan identiti, untuk melindungi perniagaan mereka dan untuk mematuhi undang-undang yang terpakai ke atas mereka.

## 5. Perkongsian Maklumat

Kami berkongsi Data Peribadi anda dengan persetujuan anda atau bila diperlukan untuk melengkapkan mana-mana transaksi atau memberikan mana-mana Tawaran yang anda minta atau benarkan. Kami juga berkongsi Data Peribadi dengan vendor pihak ketiga, penjual semula dan pengedar, pembekal perkhidmatan

*Dokumen in sah pada tarikh ia dicetak: September 23, 2020. Hakmilik Terpelihara 2020 Ingram Micro Inc. Semua maklumat adalah maklumat sulit dan proprietari Ingram Micro Inc.*





# Pernyataan Privasi Ingram Micro

pihak ketiga, Sekutu dan unit perniagaan, apabila diperlukan oleh undang-undang atau untuk menjawab proses perundangan, untuk melindungi pelanggan kami, melindungi kehidupan, untuk mengekalkan perlindungan ke atas Tawaran kami, dan untuk melindungi hak atau harta Ingram Micro.

Kami boleh mendedahkan Data Peribadi anda seperti berikut:

Vendor. Ingram Micro boleh berkongsi Data Peribadi tentang anda dengan vendor pihak ketiga yang membuat Tawaran melalui kami. Sebagai contoh, kami boleh berkongsi Data Peribadi anda dengan vendor pihak ketiga sekiranya anda membeli atau mengakses Tawaran melalui kami, atau penjual semula atau pengedar Ingram Micro, dan vendor tersebut memerlukan verifikasi tentang pembelian Tawaran untuk mendaftar Tawaran tersebut. Kami juga boleh berkongsi Data Peribadi anda dengan vendor pihak ketiga sekiranya vendor tersebut menaja bersama dengan kami aktiviti pemasaran untuk mengesahkan penglibatan anda dalam aktiviti pemasaran.

Penjual Semula dan Pengedar. Ingram Micro boleh berkongsi Data Peribadi anda dengan penjual semula dan pengedar yang membeli Tawaran yang tersedia melalui Laman Web. Sebagai contoh, kami boleh berkongsi Data Peribadi anda jika anda membeli atau mengakses Tawaran melalui penjual semula atau pengedar, dan penjual semula atau pengedar tersebut memanfaatkan peralatan dan perkhidmatan penjual semula kami.

Pembekal Perkhidmatan Pihak Ketiga. Ingram Micro boleh memberikan Data Peribadi anda kepada pihak ketiga yang menyediakan perkhidmatan untuk membantu kami di Laman Web dan untuk mencapai tujuan tersebut. Sebagai contoh, pihak ketiga ini mungkin termasuk penyedia perkhidmatan pelanggan, pemrosesan pembayaran, e-mel dan sokongan pesanan, pengehosan, pengurusan, penyelenggaraan, analisis maklumat, menawarkan pemenuhan atau penghantaran, atau perkhidmatan lain yang mungkin kami terima atas dasar khidmat luaran. Kami akan meminta pihak ketiga ini menggunakan Data Peribadi anda hanya apabila diperlukan untuk tujuan sedemikian dan melindungi Data Peribadi anda selaras dengan Pernyataan Privasi ini dan undang-undang terpakai. Senarai pembekal perkhidmatan pihak ketiga disediakan atas permintaan.

Sekutu dan Unit Perniagaan. Ingram Micro boleh berkongsi Data Peribadi anda dengan Sekutu kami, tanpa mengira sama ada entiti ini berkongsi jenama Ingram Micro. Kami juga boleh berkongsi Data Peribadi anda dengan unit perniagaan lain yang menawarkan produk atau perkhidmatan di bawah jenama Ingram micro atau salah satu jenama kami yang lain. Sekutu dan unit perniagaan kami akan menggunakan Data Peribadi anda yang kami kongsi dengan mereka selaras dengan Pernyataan Privasi ini.

Pengguna Lain. Ingram micro boleh berkongsi Data Peribadi anda dengan pengguna lain apabila anda memilih untuk berinteraksi dengan pengguna tersebut (atau meminta kami berkomunikasi dengan mereka bagi pihak anda) melalui Laman Web. Hal ini termasuk memudahkan komunikasi dengan pengguna lain atau membolehkan pengeposan Data Peribadi ke ruang Laman Web yang boleh diakses oleh pengguna lain. Anda harus menyedari bahawa mana-mana Data Peribadi (atau mana-mana maklumat lain) yang anda berikan di ruang ini boleh dibaca, dikumpul, dan diguna oleh pengguna lain yang mengaksesnya.

Penguatkuasaan Undang-undang dan Keselamatan. Ingram Micro boleh berkongsi Data Peribadi anda dengan mana-mana penguatkuasaan undang-undang yang kompeten, pengawalaturan, agensi kerajaan, mahkamah, pegawai kerajaan lain atau pihak ketiga lain yang kami percaya pendedahan diperlukan (i) sebagai perkara undang-undang atau peraturan yang terpakai, (ii) untuk menjalankan, menubuhkan atau mempertahankan hak undang-undang kami, atau (iii) untuk melindungi kepentingan penting anda atau orang lain.

# Pernyataan Privasi Ingram Micro

Penjualan atau Pemerolehan Aset. Jika Ingram Micro memindahkan pemilikan atau kawalan ke atas mana-mana bahagian Ingram Micro atau Laman Web kepada pembeli sebenar atau berpotensi, sama ada dalam konteks pengambilalihan, penggabungan, penyusunan semula, atau pelupusan lain semua atau mana-mana bahagian perniagaan, aset atau saham (termasuk berkaitan dengan apa-apa prosiding muflis atau yang serupa), kami boleh memindahkan Data Peribadi anda kepada pembeli yang sebenar atau berpotensi, dengan syarat penggunaan Data Peribadi anda oleh pihak ketiga tetap tertakluk kepada undang-undang yang terpakai.

Lain-lain. Kami boleh berkongsi Data Peribadi anda dengan mana-mana orang lain dengan persetujuan anda untuk pendedahan tersebut.

Kami juga boleh berkongsi data teragregat, tanpa nama dengan pihak ketiga untuk tujuan lain. Maklumat sedemikian tidak akan mengenal pasti anda secara individu, tetapi mungkin melibatkan penggunaan, tontonan dan maklumat teknikal yang kami kumpul melalui penggunaan anda terhadap Laman Web kami. Jika kami dikehendaki di bawah undang-undang terpakai untuk menganggap maklumat tersebut sebagai Data Peribadi, maka kami hanya akan mendedahkan data itu seperti yang dijelaskan di atas.

Ingram Micro tidak menjual Data Peribadi anda kepada pihak ketiga.

## 6. Maklumat Privasi Penting Lain

Akses maklumat privasi tambahan yang mungkin anda dapati penting.

Keselamatan Data Peribadi. Ingram Micro menggunakan kawalan teknikal dan organisasi serta langkah-langkah bersesuaian untuk menjamin dan melindungi Data Peribadi anda daripada kehilangan, penyalahgunaan, dan pendedahan yang tidak dibenarkan, seperti kawalan akses pengguna bijak, seni bina rangkaian yang disegmen, dan polisi dan latihan pekerja yang komprehensif. Malangnya, tidak ada data yang dihantar atau diakses melalui Internet boleh dijamin 100% selamat. Akibatnya, walaupun Ingram Micro cuba melindungi semua Data Peribadi, Ingram Micro tidak dapat memastikan atau menjamin Data Peribadi akan selamat sepenuhnya daripada penyelewengan oleh penggadam atau daripada aktiviti jahat dan jenayah yang lain, atau jika berlaku kegagalan perkakasan komputer, perisian, atau rangkaian telekomunikasi. Ingram Micro akan memaklumkan anda jika kami mendapat tahu tentang pelanggaran keselamatan melibatkan maklumat peribadi anda yang boleh dikenal pasti secara peribadi (seperti yang ditakrifkan oleh undang-undang asing, kerajaan, negeri, dan tempatan yang terpakai) disimpan oleh atau untuk kami, selaras dengan undang-undang terpakai.

Asas Perundangan untuk Memproses Data Peribadi (Hanya untuk Pengunjung EEA) Jika anda pengunjung dari Kawasan Ekonomi Eropah, asas perundangan kami untuk mengumpul dan menggunakan Maklumat Data Peribadi anda seperti yang dijelaskan di atas akan bergantung pada Data Peribadi berkaitan dan konteks khusus ketika kami mengumpulkannya.

Walau bagaimanapun, kebiasaannya kami hanya mengumpul Data Peribadi daripada anda (i) apabila kami memerlukan Data Peribadi untuk melaksanakan kontrak dengan anda (seperti memenuhi pembelian Tawaran oleh anda), (ii) apabila pemrosesan adalah mengikut kepentingan kami yang sah dan tidak ditolak oleh hak anda, atau (iii) apabila kami telah mendapat persetujuan anda. Dalam sesetengah kes, kami juga mempunyai obligasi perundangan untuk mengumpul Data Peribadi daripada anda atau sebaliknya memerlukan Data Peribadi anda untuk melindungi kepentingan utama anda atau orang lain.

# Pernyataan Privasi Ingram Micro

Jika kami meminta anda memberikan Data Peribadi bagi mematuhi keperluan perundangan atau untuk melaksanakan kontrak dengan anda, kami akan memastikan ia adalah jelas pada waktu yang relevan dan kami akan menasihati anda sama ada penyediaan Data Peribadi anda adalah wajib atau tidak (serta akibat yang akan berlaku jika anda tidak memberikan Data Peribadi anda).

Sekiranya kami mengumpul dan menggunakan Data Peribadi anda bergantung pada kepentingan kami yang sah (atau pihak ketiga), kepentingan ini secara lazimnya untuk mengendalikan platform kami dan berkomunikasi dengan anda seperti yang diperlukan untuk menyediakan perkhidmatan dan Tawaran kami kepada anda, dan untuk kepentingan komersial kami yang sah, contohnya, apabila menjawab pertanyaan anda, meningkatkan platform kami, menjalankan pemasaran, atau untuk tujuan mengesan atau menghalang aktiviti yang menyalahi undang-undang. Jika kami mempunyai kepentingan sah yang lain, dan jika bersesuaian, kami akan menjelaskan kepada anda pada masa yang relevan tentang kepentingan sah tersebut.

Jika kami mengumpul dan menggunakan Data Peribadi anda berdasarkan persetujuan anda, akibat menafikan atau menarik balik persetujuan akan diketahui pada masa persetujuan anda diberikan.

Jika anda mempunyai soalan tentang atau perlukan maklumat lanjut berkaitan asas perundangan yang kami gunakan untuk mengumpul dan menggunakan Data Peribadi anda, sila hubungi kami melalui butiran hubungan yang terdapat di bawah tajuk "Pertanyaan dan Maklumat Hubungan" di bawah.

**Ketepatan.** Anda bertanggungjawab untuk memberi Data Peribadi yang tepat kepada Ingram Micro. Melainkan dinyatakan sebaliknya di dalam Pernyataan Privasi ini, Ingram Micro akan menggunakan Data Peribadi dengan cara yang bersesuaian untuk tujuan ia dikumpulkan atau dibenarkan oleh anda kemudiannya. Setakat yang diperlukan untuk tujuan-tujuan tersebut, Ingram micro akan bertanggungjawab dalam memastikan Data Peribadi adalah tepat, lengkap, terkini dan relevan dengan tujuan penggunaannya.

**Pemindahan Data Antarabangsa.** Data Peribadi anda boleh dipindahkan kepada, dan diproses dalam, negara selain daripada negara tempat anda tinggal. Negara-negara ini mungkin mempunyai undang-undang perlindungan data yang berbeza dari negara anda.

Khususnya, pelayan Laman Web utama kami terletak di Amerika Syarikat, dan Sekutu dan penyedia perkhidmatan pihak ketiga dan rakan kongsi kami beroperasi di seluruh dunia. Ini bermakna kami boleh mengumpul Data Peribadi anda dan memprosesnya di mana-mana negara ini. Walau bagaimanapun, kami telah mengambil langkah-langkah bersesuaian untuk memastikan Data Peribadi anda akan kekal dilindungi selaras dengan Pernyataan Privasi ini. Untuk Data Peribadi yang dikumpulkan di negara-negara Kawasan Ekonomi Eropah dan dipindahkan atau diakses oleh Ingram Micro di Amerika Syarikat, Ingram Micro, Inc. telah melaksanakan Fasal Kontrak Standard Suruhanjaya Eropah.

Untuk pemindahan tambahan Data Peribadi antara Sekutu kami di luar EEA dan Amerika Syarikat, kami telah melaksanakan Fasal Kontrak Standard Suruhanjaya Eropah, yang menghendaki kami melindungi Data Peribadi yang mereka proses dari EEA menurut undang-undang perlindungan data Kesatuan Eropah. Kami telah melaksanakan perlindungan serupa yang bersesuaian dengan pembekal perkhidmatan pihak ketiga dan rakan kongsi kami dan butiran lanjut boleh diberikan atas permintaan.

**Tempoh Pengekalan.** Kami mengekalkan Data Peribadi yang kami kumpul daripada anda apabila kami mempunyai keperluan perniagaan berterusan yang sah (sebagai contoh, untuk memberikan anda dengan Tawaran yang anda minta atau untuk mematuhi perundangan, cukai atau keperluan perakaunan yang berkenaan).

# Pernyataan Privasi Ingram Micro

Apabila kami tidak mempunyai keperluan perniagaan sah yang berterusan untuk memproses Data Peribadi anda, kami akan memadam atau menganonimkannya atau, jika ini tidak boleh dilakukan (sebagai contoh, kerana Data Peribadi anda telah disimpan dalam arkib sandaran), maka kami akan menyimpan Data Peribadi anda dengan selamat dan mengasingkannya daripada apa-apa pemrosesan sehingga penghapusan boleh dilakukan.

Jika anda ialah penduduk Kesatuan Eropah, semua Data Peribadi berkaitan dengan anda yang diterima dan disimpan oleh Ingram Micro akan dipadam selepas 5 tahun, kecuali untuk mana-mana Data Peribadi dalam bentuk dokumen dan fail yang kami perlu menyimpan lebih lama lagi menurut undang-undang terpakai. Sebagai contoh, kami tidak boleh memadam data peribadi yang muncul di invois VAT sebelum kami memadam Invois dari sistem kami.

Hak Perlindungan Data Anda. Anda mempunyai hak perlindungan data seperti berikut:

- Jika anda ingin mengakses, membetulkan, mengemas kini atau meminta untuk memadam Data Peribadi anda, anda boleh berbuat demikian pada bila-bila masa dengan menghubungi kami menggunakan butiran hubungan yang diberikan di bawah tajuk “Pertanyaan dan Maklumat Hubungan” di bawah
- Di samping itu, anda boleh membantah pemrosesan Data Peribadi anda, meminta kami untuk menyekat pemrosesan Data peribadi anda atau memohon pemindahan Data Peribadi anda. Juga, anda boleh melaksanakan hak ini dengan menghubungi kami melalui butiran hubungan yang terdapat di bawah tajuk “Pertanyaan dan Maklumat Hubungan” di bawah.
- Anda mempunyai hak untuk berhenti menerima komunikasi pemasaran yang kami hantar kepada anda pada bila-bila masa. Anda boleh melaksanakan hak ini dengan mengklik di pautan “henti langganan” atau “pilih keluar” di e-mel pemasaran yang kami hantar kepada anda. Untuk memilih keluar daripada bentuk pemasaran lain (seperti pemasaran secara pos atau telepemasaran), sila hubungi kami melalui butiran hubungan yang diberikan di bawah tajuk “Pertanyaan dan Maklumat Hubungan” di bawah atau akses ke pusat pilihan kami.
- Begitu juga, jika kami mengumpul dan memproses Data Peribadi anda dengan persetujuan anda, anda boleh menarik persetujuan anda pada bila-bila masa. Penarikan persetujuan anda tidak menjejaskan pemrosesan sah yang kami lakukan sebelum penarikan anda, ia juga tidak akan menjejaskan pemrosesan Data Peribadi anda yang dilakukan mengikut alasan pemrosesan yang sah selain daripada persetujuan.
- Anda mempunyai hak untuk mengadu kepada pihak berkuasa perlindungan data tentang pengumpulan dan penggunaan Data Peribadi anda oleh kami. Untuk maklumat lanjut, sila hubungi pihak berkuasa perlindungan data tempatan. (Butiran hubungan untuk pihak berkuasa perlindungan data di dalam Kawasan Ekonomi Eropah boleh diperoleh [di sini](#).)

Kami memberikan respons kepada semua permohonan yang kami terima daripada individu yang mahu melaksanakan hak perlindungan data mereka selaras dengan undang-undang perlindungan data yang terpakai.

Pusat Pilihan Kebanyakan Sekutu kami menggunakan pusat pilihan yang membenarkan anda untuk memilih keluar atau memilih untuk menerima mesej dan komunikasi dari kami. Anda boleh memilih atau tidak memilih pilihan komunikasi anda pada bila-bila masa melalui borang web yang disediakan oleh Sekutu tersebut.

*Dokumen in sah pada tarikh ia dicetak: September 23, 2020. Hakmilik Terpelihara 2020 Ingram Micro Inc. Semua maklumat adalah maklumat sulit dan proprietari Ingram Micro Inc.*



# Pernyataan Privasi Ingram Micro

Kanak-Kanak. Laman Web ini bertujuan semata-mata untuk kegunaan individu berumur 18 tahun dan ke atas dan oleh yang demikian bukan untuk kanak-kanak berumur di bawah 18 tahun. Ingram Micro tidak dengan sengaja mencari atau mengumpul Data Peribadi daripada kanak-kanak berumur di bawah 18 tahun.

Jangan Jejaki. Sesetengah pelayar web dan peranti lain yang boleh anda gunakan untuk mengakses Laman Web membenarkan anda menyatakan pilihan anda bahawa anda tidak mahu “dijejaki” dalam talian. Pada masa ini, Laman Web tidak akan memberikan respons kepada isyarat “Jangan Jejaki” Kami tidak mengubah pengalaman anda di Laman Web atau mengubah Data Peribadi anda yang kami kumpul melalui Laman Web, berdasarkan pilihan yang dinyatakan.

Hak Privasi California Anda. Akta Privasi Pengguna California memberi hak tertentu kepada penduduk California tentang pengumpulan maklumat peribadi mereka. Hak tersebut termasuk:

- Hak untuk diberitahu tentang (1) apakah maklumat peribadi yang dikumpul, (2) kategori sumber dari mana maklumat peribadi dikumpul, (3) tujuan perniagaan atau komersial untuk mengumpul atau menjual maklumat peribadi; (4) kategori pihak ketiga yang berkongsi maklumat peribadi; dan (5) maklumat peribadi khusus yang telah kami kumpul tentang pengguna;
- Hak untuk meminta pemadaman maklumat peribadi mereka yang telah dikumpul; dan
- Hak untuk tidak memilih penjualan maklumat peribadi mereka.

Undang-undang California juga memperuntukkan bahawa penduduk California mempunyai hak untuk meminta perniagaan memberitahu mereka bagaimana maklumat peribadi mereka dikongsi dengan pihak ketiga untuk tujuan pemasaran langsung mereka. Terdapat pengecualian ke atas keperluan ini untuk perniagaan yang telah menggunakan dan mendedahkan, di dalam polisi privasi mereka, polisi untuk tidak mendedahkan maklumat peribadi seseorang kepada pihak ketiga untuk tujuan pemasaran langsung jika orang tersebut telah melaksanakan pilihan untuk pilih keluar daripada pendedahan Data Peribadi mereka kepada pihak ketiga untuk tujuan tersebut. Kami telah menggunakan satu polisi yang membenarkan anda memilih keluar daripada pendedahan maklumat peribadi anda kepada pihak ketiga untuk tujuan pemasaran langsung dan oleh yang demikian berada di dalam pengecualian ini.

Untuk memilih keluar daripada berkongsi maklumat peribadi anda kepada pihak ketiga untuk tujuan pemasaran langsung atau menggunakan hak anda di bawah bahagian ini, sila hubungi kami melalui butiran hubungan yang diberikan di bawah tajuk “Pertanyaan dan Maklumat Hubungan” di bawah.

Hak Privasi Kesatuan Eropah Anda. Penguasa untuk mana-mana Data Peribadi yang diproses oleh kami adalah Sekutu Ingram Micro di negara Kawasan Ekonomi Eropah atau Switzerland yang mengumpul Data Peribadi tersebut. Jika anda mempunyai sebarang pertanyaan mengenai Data Peribadi yang telah anda hantar kepada Sekutu berkenaan, sila hubungi Sekutu yang berkaitan.

Maklumat Sensitif. Melainkan kami secara khususnya memohon atau menjemputnya, kami meminta anda supaya tidak menghantar kepada kami, dan anda tidak mendedahkan, mana-mana data peribadi yang sensitif (sebagai contoh, maklumat berkaitan perkauman atau etnik, pandangan politik, kepercayaan agama dan lain-lain, kesihatan, latar belakang jenayah atau keahlian kesatuan perdagangan) pada atau melalui Laman Web ini atau dengan cara lain kepada kami. Dalam kes-kes sekiranya kami memohon atau menjemput anda untuk memberikan data peribadi yang sensitif, kami akan berbuat demikian dengan persetujuan anda.

Laman Web Pihak Ketiga. Di samping menyediakan akses kepada Tawaran, Laman Web ini akan memasukkan pautan ke Laman web dan perkhidmatan web yang lain. Pernyataan Privasi ini tidak boleh

# Pernyataan Privasi Ingram Micro

terpakai untuk Laman web dan perkhidmatan tersebut dan amalan privasi Laman web dan perkhidmatan tersebut mungkin berbeza daripada yang telah diterangkan di dalam Pernyataan privasi ini. Jika anda menghantar Data Peribadi kepada mana-man satu Laman web atau perkhidmatan tersebut, Data Peribadi anda ditadbir oleh dasar privasi yang terpakai di Laman web dan perkhidmatan tersebut. Ingram micro menggalakkan anda supaya membaca dengan teliti dasar privasi di mana-mana Laman web dan perkhidmatan web yang anda lawati.

Pematuhan. Ingram micro akan menggunakan pendekatan penilaian diri untuk mengesahkan pematuhan Pernyataan Privasi ini dan secara berkala mengesahkan bahawa Pernyataan Peribadi ini adalah tepat, komprehensif untuk maklumat yang dicadangkan untuk dilindungi, dipaparkan, dilaksanakan dan diakses.

Jika anda percaya bahawa Data Peribadi anda telah diproses atau dipaparkan dengan melanggar Pernyataan Privasi ini, Ingram Micro menggalakkan anda untuk menyatakan sebarang kebimbangan menggunakan maklumat hubungan yang diberikan di dalam Pernyataan Privasi ini melalui butiran hubungan yang diberikan di bawah tajuk "Pertanyaan dan Maklumat Hubungan" di bawah. Ingram Micro akan menyiasat dan cuba menyelesaikan apa-apa aduan dan pertikaian mengenai penggunaan dan pendedahan Data Peribadi.

Semakan. Ingram Micro akan menyemak Pernyataan Privasi ini dengan budi bicara mutlaknya dari masa ke masa untuk mencerminkan perubahan dalam amalan perniagaan kami. Jika kami menyemak semula Pernyataan Privasi ini, kami akan memaklumkan anda melalui pengeposan Pernyataan Privasi yang terkini di Laman Web atau dengan menghantar notifikasi melalui e-mel kepada anda. Perubahan kepada Pernyataan Privasi ini akan berkuatkuasa dan terpakai terhadap maklumat yang dikumpulkan bermula dari tarikh Ingram Micro mengepos Pernyataan Privasi yang disemak ke Laman Web. Jika kami dikehendaki oleh undang-undang perlindungan data terpakai untuk mendapatkan persetujuan anda bagi apa-apa perubahan yang dinyatakan di dalam Pernyataan Privasi yang terkini, kami akan melakukannya.

## 7. Bahasa Tambahan.

Pernyataan privasi ini tersedia dalam bahasa tambahan. Untuk melihat semua bahasa tambahan, sila lihat senarai penuh yang terdapat di Laman Web di <https://corp.ingrammicro.com/privacy-statement.aspx>.

## 8. Pertanyaan dan Maklumat Hubungan.

Jika anda mempunyai apa-apa pertanyaan atau kebimbangan tentang Pernyataan Privasi ini, amalan privasi Ingram Micro, pengumpulan atau penggunaan Data Peribadi anda oleh kami, atau anda ingin mengakses atau memadam Data Peribadi anda, sila hubungi kami di [privacy@ingrammicro.com](mailto:privacy@ingrammicro.com) atau melalui butiran hubungan yang boleh diperoleh di <https://corp.ingrammicro.com/Contact-Us.aspx> Anda juga boleh membuat permintaan untuk mengakses atau memadam Data Peribadi anda dengan menghubungi 1-888-914-9661 dan masukkan PIN 374445.

Pegawai Perlindungan Data kami boleh dihubungi di [Aaron.Mendelsohn@ingrammicro.com](mailto:Aaron.Mendelsohn@ingrammicro.com).